

永樂大典

卷一萬三千八百

七十七

永樂大典卷之一萬三千八百七十七 三未

痺

必忘切許慎說文解溼病也从疒昇聲必至切司馬光類篇則營衛氣不至而頑痺也彼二反顧野王玉篇早利切陸法言廣韻毗意切脚冷司馬

光類篇或作疢痲毗至切戴侗六書故病肌肉麻木也韓道昭五音類聚必寐切楊桓六書統幫母痺亦聲痺痲或从比聲痲韻會定正字切

幫計幫篆 見杜从古集 痺徐鉉 痲篆韻 痲 並六 有連痲書 痲 篆古文韻海 痲 篆韻 痲 並六 書統

行 書 痺 王義之

諸痺證治

素問痺論篇黃帝問曰痺之安生王冰註去猶何也言何以土岐伯對曰風寒溼三氣雜至合而為痺也

班合而為痺發起赤珠夫其風氣勝者為行痺寒氣勝者為痛痺濕氣勝者為著痺也風則陽受之故為行痺寒則陰受之故為痛痺濕則皮肉筋

脈受之故為著痺著而不夫也故凡痺從風寒濕之所生也帝曰其有五者何也言風寒濕氣各異則三痺生有五而何氣之勝也岐伯曰以冬遇此

永樂大典卷萬三千八百七十七

者為骨痺以春遇此者為筋痺以夏遇此者為脉痺以至陰遇此者為肌痺以秋遇此者為皮痺冬主骨春主筋夏主脉秋主皮至陰主肌肉故各

為其痺也至陰為戊己月及土寄三月也帝曰內含五臟六腑何氣使然古皮內筋骨脉痺以五時之外偶然內各臟腑何以致之岐伯曰五臟皆

有合病久而不去者內含於其合也肝合筋心合脉脾合肉肺合皮腎合骨久病不去則入於是故骨痺不已復感於邪內含於腎筋痺不已復感

於邪內含於肝脉痺不已復感於邪內含於心肌痺不已復感於邪內含於脾皮痺不已復感於邪內含於肺所謂痺者各以其時重感於風寒濕

之氣也時謂氣王之月也肝王春心王夏脾王秋腎王冬脾王四季之月感謂感應也凡痺之客五臟者肺痺者煩滿喘而嘔以歲氣應息又其脉

運循胃口故使煩滿喘而嘔心痺者脉不通煩則心下鼓暴上氣而喘噎乾善噫厥氣上則恐心合脉支邪則脉不通利也邪氣內擾故煩也手心

主心包之脉起於胃中出屬心包下通少陰心脉起於心中出屬心系下通小腸其支刺者從心系上使咽喉其直者從心系却上肺故煩

則心下鼓滿暴上氣而喘噎乾也心主為噎以下鼓滿故噎之以出氣也若是逆氣上乘於心則恐畏之神懼凌弱故謂肝痺者夜卧則驚多飲數

永樂大典

卷一三八七七

小便上為引如懷肝主驚駭氣相應故中夜卧則驚也肝之脉循陰股入臍中環陰若抵少腹俠胃屬肝絡膈上貫膈布兩脇助循喉嚨之後上入頰頰故多飲水數小便上引少腹痛如瘰癧之狀腎痹者善脹尻以代踵脊以代頭腎者胃之剛闕不利則胃氣不轉故善脹也尻以代踵謂足掌急也脊以代頭謂身跪屈也踵是跟也腎之脉起於足小指之下斜趨是心出於然骨之下循內踝之後別入跗中以上循內出膈內膈上候內後廉背脊屬腎絡膀胱其直行者從背脊貫肝入肺中氣不足而受邪故不伸展林億新校上云詳然骨一作然谷脾痹者四肢懈惰發咳嘔汁為大塞土上四季外主四肢故四肢懈惰又以其脉起於足循膈膈上膝股也然脾脉入腹屬脾絡胃上高俠咽故發咳嘔汁脾氣養脾胃復連咽故上為大塞也腸痹者數飲而出不得中氣喘爭時發脹泄人腸之脉入臍五絡肺下高屬大腸小腸之脉又入臍五絡心循咽下高抵胃屬小腸今小腸有邪則脉不下高脉不小高則腸不行化而胃氣蓄熱故多飲水而不得下出也腸胃中陽氣與邪氣奔端交爭得時通利以陽氣不化故時或得通則為泄也胞痹者少腹膀胱按之內痛若沃以湯澀於小便上為清淨膀胱為津液之府胞內居之少腹處間元之中內氣胞若然膀胱之脉起

永樂大典卷一三八七七

二

於目內皆上額交膈上入絡腦運出別下項循脊背內俠脊抵腰中入膈督絡腎屬膀胱其支別者從腰中下貫臂入膈中今胞受風寒濕氣則膀胱太陽之脉不得下流於足故少腹膀胱按之內痛若沃以湯澀於小便也小便既澀太陽之脉不得下行故上燥其脈而為清淨出於鼻竅矣沃猶澀也林億新校正云按全元起本內痛二字作兩臂陰氣者靜則神藏躁則消亡陰謂五神藏也所以說神藏與消亡者言人安靜不涉邪氣則神氣寧以內藏人躁動腸胃邪氣則神被害而離散藏無所守故口消亡此言五臟受邪之為痹也飲食自倍腸胃乃傷臟以躁動致傷府以全飲見損皆謂過用越性則受其邪此言六府受邪之為痹也淫氣喘息痺聚在肺淫氣憂思痺聚在心淫氣遺溺痺聚在腎淫氣乏竭痺聚在肝淫氣飢飽痺聚在脾淫氣謂氣之妄行者各隨臟之所主而入為痹也林億新校正云詳從上凡痺之客五臟者至此全元起本在陰陽別論中此王氏之所移也諸痺不已亦益內也從外不去則益深至於身內其風氣勝者其人易已也帝曰痺其時有死者或疼久者或易已者其故何也岐伯曰其入臟者死其留連筋骨間者疼久其留皮膚間者易已入臟者死以神士也筋骨疼久以其深也皮膚易已以其淺也由新深淺故有是不同帝

曰其容於六府者何也岐伯曰此亦其食飲居處為其病本也四方雖土地溫涼高下不同物性剛柔亦異但動過其分則六府致傷陰陽虛
 象大論曰水穀之寒熱感則皆六府林億新校正云按傷寒論曰物性剛柔陰居不異六府亦各有俞風寒濕氣中其俞而食飲應之循俞而入各
 舍其府也六府俞亦謂背俞也膽俞在十椎之傍胃俞在十二椎之傍三
 焦俞在十三椎之傍大腸俞在十六椎之傍小腸俞在十八椎之傍膀胱
 俞在十九椎之傍隨形分長短而取之如是各去脊同身寸之一寸五分
 並足太陽脉氣之所發也林億新校正云詳六府俞並在本椎下兩傍此
 注言在椎之傍者大卷之帝曰以鍼治之奈何岐伯曰五臟有俞六府有
 合循脉之分各有所發各隨其過林億新校正云按甲乙經隨作治則病
 瘳也肝之俞曰太衝心之俞曰太陵脾之俞曰太白肺之俞曰太淵腎之
 俞曰太谿皆經脉之所注也太衝在足大指間本節後二寸陷者中林億
 新校正云按刺腰痛注云太衝在足大指本節後內間二寸陷者中動脉
 應手刺可入同身寸之三分留十呼若灸者可灸三壯大陵在手掌後骨
 兩筋間陷者中刺可入同身寸之六分留七呼若灸者可灸三壯太白在
 足內側核骨下陷者中刺可入同身寸之三分留七呼若灸者可灸三壯

水藥大典卷二萬三千八百七

大淵在手掌後陷者中刺可入同身寸之二分留二呼若灸者可灸三壯大
 陵在足內側核骨上動脉陷者中刺可入同身寸之三分留七呼若灸者可
 可灸三壯胃合入于三里膽合入于陽陵泉大腸合入于曲池小腸合入于
 小海三焦合入于委陽膀胱合入于委中三里在膝下三寸胛外廉兩筋
 間刺可入同身寸之一寸留十呼若灸者可灸三壯陽陵泉在膝下一寸胛外廉
 陷者中刺可入同身寸之六分留十呼若灸者可灸三壯少海在肘內大骨
 外去肘端五分陷者中屈肘乃得之刺可入同身寸之二分留七呼若灸者
 可灸五壯曲池在肘外輔屈肘曲骨之中刺可入同身寸之五分留七呼
 若灸者可灸三壯委陽在足脛中外廉兩筋間刺可入同身寸之七分留五
 呼若灸者可灸三壯屈伸而取之委中在脛中央約文中動脉刺可入同
 身寸之五分留七呼若灸者可灸三壯林億新校正云按刺熱注委中在
 足膝後屈處餘並用此故經言循脉之分各有所發各隨其過則病瘳也
 是謂脉所經過處林億新校正云詳王氏以委陽為三焦合按甲乙經云
 委陽三焦下輔俞也足太陽之別絡三焦之合自在手少陽經天井也為
 少陽肝之所入為合詳此六府之合俱引本經所入之穴獨三焦不引本
 經所入之穴者王氏之誤也王氏但見甲乙經云三焦合于委陽彼說自

其彼又以太陽合于巨虛上廉小腸合于下廉此以少海為之故知
當以天升亢為合也帝曰榮衛之氣亦令人痺乎岐伯曰榮者水穀之精
氣也和調於五臟瀦陳於六府乃能入於脈也正理論曰穀入於胃脈道
乃行水入於經其血乃成又靈樞經曰榮氣之道內穀為實林德新校正云
按則本實作實穀入於胃氣傳於脾精者上行經隨由此故水穀精氣
合榮氣運行而入於脈也故循脈上下貫五臟絡六府也榮行於內故無
所不至衝者水穀之悍氣也其氣慄疾滑利不能入於脈也悍氣謂浮盛
之氣也以其浮盛之氣故慄疾滑利不能入於脈中也故循皮膚之中分
肉之間重於骨髓散於皮膚之中分肉之間謂脈外也骨髓謂五臟
之間屬中膜也以其浮盛故能布散於骨髓之中空虛之處重其骨髓今
氣宜通也育者荒逆其氣則痛從其氣則愈不與風寒濕氣合故不為痺
帝曰善痺或痛或不痛或不仁或寒或熱或燥或濕其故何也岐伯曰痛
者寒氣多也有寒故痛也風寒濕氣各於肉分之間迫切而為沫得寒則
聚聚則排分肉內聚則痛故有寒則痛也其不痛不仁者病久入深榮衛
之行滯經絡時疎故不通林德新校正按甲乙經不通作不痛詳甲乙經
此條論不痛與不仁兩事後言不痛是載明不痛之為重也皮膚不營故

永樂大典卷三萬三千三百七

為不仁不仁者皮膚頑不知有無也其寒者陽氣少陰氣多與病相益故寒
也病本生於風寒濕氣故陰氣益之也其熱者陽氣多陰少病氣勝陽
連陰故為痺熱連通也言過於陰氣陰氣不勝故為熱林德新校正云按
甲乙經連作來其多汗而濡者此其連濕甚也陽氣少陰氣盛兩氣相感
故汗出而濡也下表相應則相感也帝曰夫痺之為病不痛何也岐伯曰
痺在於骨則重在於脈則血凝而不流在於筋則屈而不伸在於肉則不
仁在皮則寒故具此五者則不痛也凡痺之類連寒則蟲連熱則蠱帝曰
善哉指皮中如蟲行縱橫不相親林德新校正云按甲乙經在作急
總論宣明五氣篇邪入於陰則痺五臟生成篇肝出而風吹之血凝於
膚者為痺異法方宜論南方者天地所長養陽之所盛處也其地下水
土弱霧露之所聚也其民嗜酸而食腐故其民皆縱理而赤色其病掌痺
至真要大論篇少陰在泉主勝則高中衆痺皆作發於肢脇靈樞經天
剛柔篇病在陰者命曰痺刺節真邪篇虛邪留而不去則痺五變篇
黃帝曰何以使人之善病痺者少俞答曰粗理而肉不堅者善病痺黃帝
曰痺之高下有處乎少俞答曰欲知其高下者各視其部九針篇岐伯
曰風者人之股肱八節也八正之虛風八風傷人內含於骨解腰脊節膝

理之間為深痺故為之治誠必長其身針其末可以取深邪遠痺也華陀中藏經痺者風寒暑濕之氣中於人臟腑之為也入腑則病淺易治入臟則病深難治而有風痺寒痺濕痺熱痺氣痺又有筋骨血肉氣之五痺也大凡風寒暑濕之邪入於心則名血痺入於脾則名肉痺入於肝則名筋痺入於肺則名氣痺入於腎則名骨痺感病則一其治乃異痺者閉也五臟六腑感於邪氣亂於真氣閉而不仁故曰閉也又痺病或痛或癢或淋或急或緩而不能收持或拳而不能舒張或行力艱難或言語蹇澁或半身不遂或四肢拳縮或口眼偏邪或手足欹側或行步而不能言語或不能行步而左偏枯或右墜滯或上不通於下或下不通於上或大腑閉塞或在右手疼痛或即疾而即死或感體而未亡或喘滿不寐或昏冒而不醒種種諸證皆出於痺也痺者風寒暑濕之氣中於人則使之然其於脈候形證治療之法各亦不同為孫思邈千金要方諸痺由風寒濕三氣併客於分肉之間迫切而為沫得寒則聚聚則排分肉裂則痛痛則神歸之神歸之則熱熱則痛解痛解則厥厥則他痺發發則如是此內不在皮膚而外未接於皮膚居分肉之間真氣不能周故為痺也其風最多者不仁則腫為行痺元無常處其寒多者則為痛痺其濕多者則為著痺冷汗瀉

但隨血脈上下不能左右者則為周痺也痺在肌中更發更止左以應左右以應右者為偏痺也夫痺其陽氣少而陰氣多者故令身寒從中出其陽氣多而陰氣少者則痺且熱也諸痺風勝者則易愈在皮間亦易愈在筋骨則難痊也火痺入深令榮衛凝結時疎則不知痛風痺濕痺用痺筋痺脈痺肌痺皮痺骨痺胞痺各有證候形如風狀持疎則也疎微濕其證身體不仁索矩傷寒新書治痺投大熱藥因而大便結口乾舌燥者在以潤利湯劑時問疎解腹中諸痺疾當如形體諸痺病狀常以風寒濕方為治不可一理投并降氣藥而已聖濟總錄論曰飲天和食地德皆陰陽也然陽為氣陰為血氣為衛血為榮氣衛血榮通貫一身周而復會如環無端宜鬱閉而不流也夫惟動靜居處失其常邪氣乘間曾不知覺此風寒濕三氣所以難至合而為痺淺則客於肌膚深則留於骨髓陽多者行流散徒而靡常陰多者凝滯礙而有著雖異狀殊態然即三氣以求之則所謂痺者可得而察矣且痺害於早其為疾也初若無足治至其蔓而難圖則偏廢弗舉四體不隨皆自貽伊戚者也可不慎哉論曰痺雖異狀然皆本於三氣寒氣多者謂之冷痺其證令人脚膝痠疼行履艱難四肢痺麻身體俱痛甚則有一身不隨者王岐濟世金生指迷方若始覺

永樂大典

卷一三八七七

肌肉不仁久而變生他證病名曰痺此由風寒濕三氣客於經絡全於血脉搏於榮衛故令皮膚痺而不仁有熱則肌肉骨節煩疼有寒則冷痛以春得之在筋夏得之在脉秋得之在皮冬得之在骨四季得之在肌肉又久而不去各傳其臟筋痺不已舍之於肝夜卧則驚飲食多小便數上為引如慄脉痺不已舍之於心其脉不通煩滿心下鼓暴上氣肌痺不已舍之於脾其狀煩滿而喘嘔骨痺不已舍之於腎其狀善脹尻以代踵脊以代頭右此諸證雖多必先肌肉不仁其始治當以增損小續命湯證狀小不同者當依本法病久入深則以曾公酒方見後陳無擇三因方夫風濕寒三氣雜至合而為痺雖曰合痺其用自殊風勝則為行痺寒勝則為痛痺濕勝則為著痺三氣襲人經絡入於筋脉皮肉肌骨久而不已則入五臟凡使人煩滿喘而吐者是痺客於肺煩心上氣溢乾恐噫厥脹滿者是痺客於心多飲數小便小腹痛如慄姓夜卧則驚者是痺客於肝善脹尻以代踵脊以代頭者是痺客於腎四肢懈墮發咳嘔沫上為大塞者是痺客於脾又有腸痺者數飲而小便不利中氣喘急時發飧泄又胞痺者小便便

永樂大典卷萬三千八百七十七

六

之內痛若沃以湯濕於小便上為清涕又六府各有俞風寒濕中其俞而食飲應之故指俞而入各舍其府治之隨其府俞以施針灸之法仍服連風濕寒發散等藥則病自愈大抵痺之為病寒多則痛風多則行濕多則着在骨則重而不舉在脉則血凝而不流在筋則屈而不伸在肉則不仁在皮則寒達寒則急達熱則縱又有血痺以類相從附于此門外有支飲作痺見痰飲門嚴用和濟生方論曰風寒濕三氣雜至合而為痺皆因體虛腠理空疎受風寒濕氣而成痺也大率痺病總而言之凡有五種筋痺脉痺皮痺骨痺肌痺是也筋痺之為病應乎肝其狀夜卧則驚飲食多小便數脉痺之為病應乎心其狀血脉不流令人痿黃心下鼓氣卒然逆喘不通噫乾善噫肌痺之為病應乎脾其狀四肢懈急發欬嘔吐皮痺之為病應乎肺其狀皮膚無所知覺氣奔喘滿骨痺之為病應乎腎其狀骨重不可舉不運而痛喜脹診其脉大而滑為痺脉來急者亦為痺脉滑而緊者亦為痺又有風血痺陰邪入於血經故也外有支飲亦令人痺當隨證施治劉守真宣明論方痺通風寒濕三氣相合而為痺風者百疾之長善行數變當汗惡風目胸脇痛或走注四肢皮膚不仁屈伸

不便張子和儒門事親夫痺之為狀麻木不仁以風濕寒三氣合而成之故內經曰風氣勝者為行痺風則陽受之故其痺行旦劇而夜靜世俗莫知反呼為走注疼痛虎咬之疾寒氣勝者為痛痺寒則陰受之故其痺痛且靜而夜劇世俗不知反呼為鬼忤濕氣勝者為著痺濕勝則傷筋脉皮肉故其痺著而不去肌肉削而著骨世俗不知反呼為偏枯此病之作多在四時陰雨之時及三月九月太陽寒水用事之月故草枯水寒之為甚或瀕水之地勞力之人辛苦失度觸冒風雨寢處津濕痺從外入况五方土地寒暑殊氣剛柔異稟食飲起居莫不相戾故所受之邪各有淺深或痛或不痛或仁或不仁或筋屈而不能伸或引而不能縮寒則凝行熱則縮緩不相亂也皮痺不已而成肉痺肉痺不已而成脉痺脉痺不已而成筋痺筋痺不已而成骨痺久而不已內含其合若肺臟俱病雖有智者不能善圖也凡病痺之人其脉沉澁今人論方者見諸痺證遽作脚氣治之豈知內經中本無脚氣之說或曰諸方亦有脚氣統論又有脚氣方藥若止取素問則諸方皆非即曰痺病以濕熱為源風寒為兼三氣合而為痺奈何治此者不問經絡不分臟腑不辨表裏便作寒濕脚氣為之附之乳之汝之種種燥熱攻之中腕灸之臍下燒之三里火之蒸之熨之湯之坑

永樂大典卷萬三千七百七

之以至便旋滋滯前後俱闕虛燥轉甚肌膚日削食飲不入邪氣外侵雖遇扁華亦難措手若此者何哉胃腸間有寒痰不去故也痺病本不死死者醫之誤也雖亦用蒸之法必先涌去其寒痰然後諸法皆効內經曰五臟有俞穴六府有合穴循脉之本分各有所發之源以砭石補之則痺病瘳此在內經中明白具載如之何不讀也陳下酒監魏德新因赴冬選犯寒而行真氣元衰加之坐卧冷濕食飲失節以冬遇此遂作骨痺骨屬腎也腰之高骨壞而不用兩膝似折面黑如炭前後腰痠厥嗜吐偏問諸醫皆作腎虛治之余先以玲瓏憲熨蒸數日次以普濟上涌訖寒痰三二升下虛上實明可見矣次以淡齋使白朮除脾濕令茯苓養腎水膏官桂伐風木寒氣偏勝則如薑附否則不加又刺腎俞大絡二穴二日一刺前後一月平復如故僕嘗用治傷寒汗下吐三法移為治風痺痿厥之法愈者多矣王好古醫壘元戎四時之正氣八節之風采朝太乙也風氣去靜乃可利經脉調血氣故唐志忌之八節前後各五日不可灸刺風朝太乙其見天元玉冊八正者所以候八風之虛邪以時至者也四時者所以分春夏秋冬之氣所在以時調之八正之虛邪而避之勿犯也以身之虛遂天地之虛兩虛相感其氣至骨入則傷五臟故曰天忌君子不可不

內診之時能識其經解大識其病所在。南陽郡縣山中有甘谷水谷水所以味甘谷上左右皆生甘葡萄花隨其中。歷世彌久故水味為變其臨此谷中居民皆不穿井悉食甘谷水食者無不老壽高者百四五十歲下者不失八九十無大年人得此葡萄力也。故司空王暢太尉劉寬太傅袁隗皆為南陽太守每到官常使郡縣月送甘谷水四十斛以為飲食。此諸公多患風痺及眩暈皆得痊愈。盛弘之荊州記云郡縣菊水太尉胡廣父患風痺常飲此水後疾遂瘳。真誥云李整林服石腦療風痺虛損而得長生。甄權治魯州刺史庾狄窻風痺不能挽弓權使飲天嚮瑯立減其肩。偶一違曰可以射矣果如其言類用方藥靈樞壽夭剛柔篇黃帝曰寒痺之為病奈何伯高答曰寒痺之為病也留而不去時痛而皮不仁黃帝曰刺寒痺內熱奈何伯高答曰刺布衣者以火焯之刺大人者以藥熨之黃帝曰藥熨奈何伯高答曰用淳酒二十升蜀椒一斤乾薑一斤桂心一斤凡四種皆以咀漬酒中用綿絮一斤細白布四丈并內酒中置酒為火炆中蓋封塗勿使泄五日五夜出布綿絮曝乾之乾後漬以盡其汁每漬必晬其日乃出乾之并用粗與綿絮襪布為襪中長六七尺為六之中則用之生桑炭灸中以熨寒痺所刺之處今熱入至于病所寒後灸中以熨之。

水藥大典卷三萬三千百七

九

三十通而止汗出以中拭身亦三十通而止起步內中無見風每刺必熨如此病已矣此所謂內熱也。張子和儒門事親凡大人小兒風濕寒三毒合而為痺及手足麻痺不仁內經曰榮虛衛實皮膚不仁痺而不知疼痛可用蔚金散吐之。次服導水丸經寒之藥泄之泄訖次以辛溫之藥發散汗出後常服當歸芍藥烏附行經和血之藥則愈矣。凡男子婦人小兒手足麻痺肌肉不仁者風寒濕三氣相雜至合為痺先用黃芩芍藥湯吐之吐訖次用通解丸通經而瀉之瀉訖更用辛甘之劑汗之汗瀉之後可用當歸清涼飲子魚烏刺丸除濕丹和血行經之藥則愈矣。張子和活法心要痺謂坐濕當風客經絡淺則皮膚深則骨髓其本謂濕去濕甘遂牽牛為主。

脉

素問脉要精微論胃脉搏堅而長其色赤當病折髀其寬而散者當病食痺按之至骨脉氣少者腰脊痛而身有痺也。平人氣象論脉滑曰痺。靈樞論疾診尺篇血脉多黑為久痺王叔和脉經尺脉虛小者痿痺脚疼。尺脉細而急者筋攣痺不能行。寸口中虛弱者傷氣氣不足大如桃李實者痺也。肝脉微緩為水癥痺。左手關前寸口陽實者小腸實也。若

永樂大典

卷一三八七七

心下急痺 右手尺中神門以後脉陰實者足少陰經也 痛苦痺 脾脉沉之而濡浮之而虛若脈脹煩滿胃中有熱不嗜食食而不化四肢苦痺時不仁 巢元方病源診其脉尺中虛小者是腰寒痺痺也 巢永年高鶴脉隨診脉大而滑者為痺脉來急者為痺

方

楊子建萬全護命方治冷痺風其病狀腰膝間疼痛冷痺行履艱阻精神不足忽時疼痛兩足厥冷此病蓋因久坐濕地忽曾經冷處睡卧得但臨病發時覺多困少力精神不守渾身筋骨沉重無力然後發作宜服此方

石斛去核

五味子

茯苓

當歸

續斷

芎

木瓜

草薢各半兩

官桂去皮

附子炮去皮

防風

羌活

獨活

細辛各一分

川椒去子

木香各三錢

牛膝一兩

右為細末煉蜜丸如梧桐子大早朝空心鹽湯酒任下四十九

和劑局方加減三五七散治八風五痺癱瘓痺曳口眼喎斜眉角牽引項背拘攣牙關緊急心中憤悶神色如醉遍身發熱骨節煩疼肌肉麻木腰

永樂大典卷一三八七七

十

膝不仁皮膚惘動或如蟲行又治陽虛頭痛風寒入腦目視運轉有似舟輕之上耳內蟬鳴或如風雨之聲應風寒濕痺脚氣緩弱等疾並能治之即係大三五七散

山茱萸

乾薑炮

茯苓去皮各三斤

附子炮去皮臍三十五箇

細辛一斤八兩防風去蘆四斤

右為細末每服或錢溫酒調下食前

聖濟總錄天麻散治諸痺身體痛麻或步痿痺筋脉拘急言語寒濕手足不隨方

天麻

白附子炮

羌活去蘆頭

防風去叉

芎藭

獨活去蘆頭

當歸切焙

桂去蘆皮各半兩

白僵蠶炒

牛膝去苗酒洗切焙

草薢各三分

乾蝦去土炒

麻黃去根節各一兩

右一十三味搗羅為散每服二錢匕煖竹瀝半盞酒半盞調下不計時

已戟天湯治冷痺脚膝疼痛行履艱難方

已戟天去心三兩

五加皮二兩

草薢

牛膝酒洗切焙石斛去核

甘草炙各一兩半

防風去又 白茯苓去黑皮各一兩三分 附子炮裂去皮臍

右丸味呖咀如麻豆每服五錢匕生薑三片水一盞半煎至一盞去滓空心溫服

牛膝散治冷痺脚膝疼痛無力

牛膝酒浸切焙一兩 桂去黑皮半兩 山茱萸一兩

右三味搗羅為散每服空心溫酒調二錢匕日再服

草薢丸治風冷痺遊走無定處亦名血痺方

草薢 山芋 牛膝去苗酒浸焙

澤瀉各一兩 熟乾地黄焙二兩半 地膚子

乾漆炒煙出 狗脊去毛各三分 白朮半兩

茵芋一分

右一十味搗羅為細末煉蜜和丸如梧桐子大每服空心溫酒下二十九日再

許叔微普濟本事方烏頭丸治宿患風痺遍身黑色肌體如木皮膚癢濕及四肢麻痺宜服

永樂大典卷萬三千八百七

草烏頭一斤入竹籬子內以水浸用瓦子於籬內就水中龍洗如打菱角法直候龍洗去大皮及尖腔起令乾用麻油四兩鹽四兩入銚內炒令深黃色傾出油只留鹽并烏頭再炒令黑色煙出為度取一枚劈破心內如米一點白恰好也如白多再炒趁熱梓羅為末用醋糊丸如梧子大乾之每服三十九空心晚食前溫酒下 貴州資福文雅白老元祐間有此疾服數年肌體黑點頓除脚力強健視聽不衰有一宗人遍身紫癩風身如墨服踰年體悅澤教子服之亦得一年許諸風疹瘡瘍皆除然性差熱雖制去毒要之五七日作烏頭粥服之為佳粥法用預章集中者

王規濟世全生指迷方魯公酒

茵芋 川烏頭炮去皮臍 耶竭花各一兩一分

天雄炮去火礬防已 石斛去根各一兩

細辛去苗 栢子仁 牛膝去苗 甘草炙

通草 桂去皮取心 山茱萸 秦艸去苗土

黃芩 茵陳蒿 瞿麥 附子炮去皮臍

杜仲去皮 澤瀉 王不留行 石南

防風

遠志去心

生乾地黃各半兩

石叻咀酒四斗漬十日每服一合常令酒氣相續

魏氏家藏方五痺湯治風痺寒痺氣痺濕痺血痺等五疾并皮膚頑麻肌肉酸痛手足不隨一臂無力腰脊強硬筋脉拘急發熱惡風不時汗出或飲酒當風肌肉頑麻臂痛舉物艱難紹興宋藏一丞相前後以錢數千緡并指使恩澤與國醫樊彥端死得於其子丞相之子元忠少卿以傳余云前後治人無一不立驗元忠家一國人因夏月大雨中治園中濕四肢發熱如火腰膝痛楚如刀刺直聲號叫祈死不能投之三服即安元忠總領淮東軍馬錢糧屯軍鎮江凡軍士及婦人病風寒濕血氣痺五者服之無不効驗前後合此藥幾千餘斤濟人真愈疾萬全神方也

甘草一兩炙

片子薑黃四兩白朮四兩春月成半炒

川羌活二兩

右叻咀每服三錢水一大盞生薑十片煎至七分去滓稍熱食前服

陳暉家藏方治腰脚冷痺風麻肢節疼痛不思飲食服芍桂散

牛膝二兩去苗酒洗

白茯苓一兩去皮

桂心去粗皮不見火

川芎

防風去蘆

永樂大典卷萬葉會考

十二

人參去蘆

附子炮去皮臍當歸去蘆剉微炒

川烏頭炮去皮臍各一兩

羌活各三分

甘草一分炙微赤

白朮各半兩炒

右叻咀每服三錢水一盞半生薑五片棗子三枚煎至七分去滓不計時候溫服

黎氏壽簡易方芍附散治五種痺腿并臂肘發作不定此脾胃虛衝氣不溫分肉為風寒濕所著

川芎

附子

黃耆

白朮

防風

當歸

桂心

柴胡

甘草

熟地黃各等分

右為粗末每服四錢水一盞半薑三片棗一箇同煎至八分去滓食前日三服常服不生壅熱兼稍積冷

嚴用和濟生方茯苓湯治支飲手足麻痺多眩暈胃

半夏湯炮七次赤茯苓去皮

橘紅各一兩

枳實去穢炒

桔梗去蘆

甘草炙各半兩

右叻咀每服四錢水一盞半薑七片煎至七分去滓溫服不拘時候

弱痺滿治身體煩疼項背拘急或痛或重舉動艱難及手足冷痺腰腿沉
重筋脉無力

當歸去蘆酒洗 赤芍藥 黃耆去蘆 片子薑黃
羌活各一兩半 甘草炙半兩

右以咀每服四錢水一盞半生薑五片棗子一枚煎至八分去滓溫
服不拘時候

御藥院方熏蒸方治腎氣衰少脾腎肝三經受於寒濕停於腿膝使經絡
凝而不行變成脚痺故發疼痛此藥能和榮衛通經絡

小麥麩約四五斤 小椒一把 酒一盞
葱白三大莖寸切 醋不計多少攪拌上件麩等濕潤

右件以銀器炒令極熱攤卧褥下將所患腿脚就卧熏蒸薄水被蓋
得汗出勻適約半箇時辰撤去炒麩止就鋪褥中卧待一兩時辰以

米覺汗稍解再用收陽粉撲傅汗孔畢然後出鋪卧中勿見風

淋濕烏頭散治一切頑痺不仁及筋骨疼痛寧急
澤烏頭土用不去皮 木鱉子去殼 白芥子

永樂大典卷一萬三千三百七

鰲甲去裙爛久一兩 杏仁生用不去皮一箇
右為鹿朮都作一次用水三大椀煎數沸去滓乘熱淋濕患處冷即

再煖熱休前淋濕三五遍其藥無力不用
柳森可用方大風引湯治痺滿上氣遍身脹膝痛去風濕痛

大豆三升 附子三兩 枳實 澤瀉
陳皮三味各四兩 甘草 茯苓

防風三味各二兩
右為鹿朮酒二斗水二斗煮大豆取一斗內藥煮取三升分三服三

劑腫消去豆澤瀉更服三劑
趙素風科集驗細辛湯治諸痺

細辛去苗 枳實麩炒去核白朮去蘆 瓜蒌
乾薑各三兩炮桂心 赤茯苓各五兩去皮

甘草二兩炙
右為細朮每服三錢溫酒調下日進二服不拘時候

蒼耳散治諸風百痺
蒼耳葉五月初五日午時摘不拘多少洗淨暴乾

永樂大典

卷一三八七七

右為末以酒調服方寸匕日三夜一服若吐逆煉蜜為丸服之風輕則易治若身體有風處皆如粟顆或如麻豆大此為風毒氣出也以針刺漬之出黃汁乃止重病輕重服之此藥能辟百惡寒家可服殺蟲痔進食七月七日九月九日亦可修合

善應膏治諸寒痺骨節酸痛並宜服之

兩頭尖

浮萍草

良薑各二兩

芸薑子

川烏各一兩炮去皮酥

當歸半兩去蘆乳香另研

沒藥各少許另研

右為細末醋糊調成膏貼於患處

芸薑子散

芸薑子

白芥子各二兩陳皮去白一兩

右為細末醋調成膏敷貼患處數次覺熱便去其藥疼痛即止大有成効

危亦林得効方烏頭湯治寒冷濕痺流於經絡掌縮不得轉側

大烏頭

細辛

川椒

甘草

秦艽

附子

官桂

白芍藥各七分

永樂大典卷之三三八七七

十四

川獨活一兩三錢半

右剉散每服三錢水一盞半棗二枚同煎至八分去滓空心食前服

三痺湯治血氣凝滯手足拘攣瘰癧風痺氣痺等疾

川續斷

杜仲去皮切薑汁炒

防風

桂心

華陰細辛

人參

白茯苓

當歸

白芍藥

甘草各一兩

秦艽

生地黃

川芎

川獨活各半兩黃耆

川牛膝各一兩

右剉散每服五錢水二盞薑三片棗一枚煎至一盞去渣熱服不拘

時但腹稍空服

素當時大方魯公酒治諸痺諸風眩暈心亂耳目聾暗淚出鼻不聞香臭口爛生瘡風腫瘰癧喉下生瘡煩熱厥逆上氣胸脇肩膊痛手痠不自帶水腰脊不能伸脚痠不仁難以久立八風十二痺五緩六急半身不遂四肢偏枯筋掣不可屈伸賊風咽喉閉塞噎噎不利或如錐刀所刺行皮膚中無有常處久久不治入人五臟中或在心下或在膏肓遊走四肢偏有冷處如風所吹或覺肌膚不仁尻以代踵脊以代頭名曰痺病及一應

久寒積聚風濕五勞七傷虛損百疾並皆治之

山芋

薺藟花

烏頭各五分

茵芋

天雄土

防己

石斛各四分

細辛

栢子仁

牛膝

山茱萸

甘草炒

通草

秦艽

黃耆

附子生

瞿麥

杜仲炒去絲

天門冬去心

澤瀉

石楠葉

防風去叉

遠志去心

熟地黃

乾薑炮

桂心三兩

右件為粗末酒五十大盞漬之十日每服一盞加至四盞可為末服亦可為丸酒下

沉香天麻煎治風氣不順骨痛或生赤點癰疹熱腫久久不治則如痺筋骨緩弱

五靈脂

赤小豆

附子

白朮各四兩

天麻二兩

玄參

乾蝎去毒

羌活

防風各一兩 地榆一兩

沉香一兩酒一升煎成膏

石以沉香膏和丸如梧桐子大荆芥酒服二十丸春末夏初愛生赤

水藥大典卷萬三千八百七

十五

根白頭瘡加當歸僵蠶各半兩尤宜服之

心痺

論

素問四時刺逆從論陽明有餘病脉痺身時熱不足病心痺靈樞邪氣篇府病形篇心脉微大為心痺引背善淡出巢元方病源思慮煩多則損心
心虛故邪乘之邪積而不去則時害飲食心中怫怫如滿蘊蘊而痛是謂
之心痺

脉

素問五藏生成篇赤脉之至也喘而堅診曰有積氣在中時害於食名曰
心痺王叔和經脉夫脉當取太過與不及陽微陰弦則背痺而痛所以然
者責其極虛也今陽虛知在上脈所以背痺心痛者以其脉陰弦故也
背痺之病喘息欬唾背背痛短氣寸口脉沈而遲關上小緊數者枯槁蘊
白白酒湯主之巢元方病源診其脉沉而弦者心痺之候也

方

葛洪肘後備急方治心痺心痛蜀椒一兩熬令黃末之以狗心血丸之如
梧桐子大每服五丸生薑湯下日五服

太平聖惠方治心痺心中偏塞而痛不能下食木香散

木香三分 青橘皮三分湯洗去白瓤焙 半夏三分湯洗七

細去滑 枳殼三分炒微黃去瓤 訶黎勒皮一兩

桂心三分 前胡一兩去蘆頭 五味子三分

右件藥搗篩為散每服三錢以水一中盞入生薑半分煎至六分去滓不計時候稍熱服

治心痺背滿塞心中微痛煩悶不能食赤茯苓湯

赤茯苓三分 人參三分去蘆頭 半夏三分湯洗七

逆去滑 紫胡三分去苗 前胡三分去蘆頭

甘草一分炙微赤剉 桂心三分 薤仁三分湯洗去

皮尖雙人匙炒微黃

右件藥搗篩為散每服三錢以水一中盞入生薑半分棗三枚煎至

六分去滓不計時候稍熱服

治心痺滿急刺痛不可俛仰氣促欬唾不利宜服此方

前胡三分去蘆頭 木香三分 五味子三分

赤芍藥三分 桔梗三分去蘆頭 當歸三分

永樂大典卷一萬三千八百七十七

十六

橘榔三分 青橘皮半兩湯洗去白瓤焙

右件藥搗篩為散每服三錢以水一中盞入生薑半分煎至六分去

滓不計時候稍熱服

治心痺背脊中氣堅急心微痛氣短促欬唾亦痛不能食方

枳實三分炙炒微黃 青橘皮一兩湯洗去白瓤焙

桂心三分 細辛二分 桔梗三分去蘆頭

右件藥搗篩為散每服三錢以水一中盞入生薑半分煎至六分去

滓不計時候溫服

治心氣虛損邪冷所乘背膈否塞心中痺痛飲食不得青橘皮丸

青橘皮一兩湯洗去白瓤焙 桂心一兩 當歸三分

細辛半兩 訶黎勒皮一兩 吳茱萸半兩湯洗七遍焙乾微炒

白朮三分 赤茯苓三分 枳殼半兩匙炒微黃去瓤

蘿蔔子半兩微炒 木香三分 蓬莖木三分

檳榔三分

右件藥搗羅為末煉蜜和搗三二百杵凡如梧桐子大每服以溫酒

下三十九日三四服

肝痺

論

素問玉機真藏論肺傳之肝病名曰肝痺一名曰厥腦痛出食 四時刺
逆從論少陽有餘病筋痺腦滿不足病肝痺聖濟總錄論曰內經謂風寒
濕三氣雜至合而為痺又曰以春遇此者為筋痺又曰筋痺不已復感於
邪內舍於肝蓋五臟皆有合病久而不去者內舍於其合肝之合筋也故
筋痺不已復感於邪則舍於肝也其證夜卧則驚多飲小便數上為引懷
者是也

脉

素問五藏生成篇青脉之至也長而左右彈有積氣在心下支胛名曰肝
痺得之寒濕與症同法腰痛足清頭脉緊靈樞邪氣微府病形篇肝脉微
大為肝痺陰縮軟引少腹

聖濟總錄茯神湯治心痺神思昏塞四肢不利胷中煩悶時復恐怖

茯神去木

羌活去蘆頭

龍齒

麥門冬去心焙

麻黃去根節各一兩

防風去叉

蔓荆實

人參

薏苡仁

防風去叉

遠志去心

犀角屑各三分

水藥大典卷一萬三千七百七

十七

赤芍藥

甘草微炙各半兩

右一十三味鹿角膠每服三錢匕水一盞生薑五片同煎至七分去

滓溫服不計時候

治心痺秦芫湯邪氣未虛恍惚不樂身體強直面目變色

秦芫去苗土

薯蕷

桂去赤皮

當歸切焙

蔓荆實

人參

附子炮裂去皮臍

黃芩去黑心

甘草炙

遠志去心

防風去叉各半兩

龍骨

赤石脂

白茯苓去黑皮

白芍藥

芍藥

防已各三分

右一十七味剉如麻豆每服三錢匕水一盞同煎至七分去滓溫服

不計時候

犀角散治心痺精神恍惚恐畏悶亂不得睡卧志氣不定言語錯誤

犀角屑

牛黃別研

麝香別研

羚羊角屑各一兩

丹砂別研半兩

防風

天麻

獨活去蘆頭

人參

茯神去木

沙參去蘆頭

天竺黃別研

升麻

龍齒各一分

麥門冬去心焙半兩

永樂大典

卷一三八七七

白鮮皮一分 遠志去心一分 龍腦別研半分 甘草微炙一分

右一十九味除別研者外搗羅為散同研藥一處拌勻再研細每服

二錢匕煎麥門冬湯調下不計時候

薏苡仁湯治肝痺筋脉不利拘攣急痛夜卧多驚上氣煩滿方

薏苡仁

羌活去蘆頭

蔓荆實

荆芥穗各二兩

白朮

木瓜去核

防風去叉

牛膝酒洗切焙

甘草炙各一兩

右九味剉如麻豆每服五錢匕水一盞半入生薑五片煎至一盞去

滓稍熱服

人參散治肝痺氣逆背脇引痛眠卧多驚筋脉攣急鎮肝去邪方

人參二兩

酸棗人微炒

杜仲去皮剉微炒

黃耆蜜炙剉

茯神去木各一兩

五味子

羌活去蘆頭

丹砂飛研

芍藥

細辛去苗葉

秦艸去苗土

熟乾地黄各半兩

右一十二味除丹砂外同搗羅為散入丹砂研勻每服一錢匕溫酒調下不拘時候日三

永樂大典卷三十三百七十七

十八

草薺凡治肝痺緩筋脉去邪毒調榮衛

草薺

羌活去蘆頭

天麻酒浸一宿切焙各一兩

附子炮裂去皮臍半兩

沒藥研

乳香研各一分

右六味將四味搗羅為末入沒藥乳香同研勻煉蜜和丸如彈丸大

每服一丸空心溫酒化下日再

補肝湯治肝痺兩脇下滿筋急不得太息疝瘕四逆搶心腹痛目不明

白茯苓去黑皮一兩二錢

烏頭四枚炮裂去皮臍

薏苡仁

獨活各一兩

附子兩枚炮裂去皮臍

栝子仁研

防風去叉

細辛去苗葉各二兩

山茱萸

桂去麋皮各三兩

甘草炙剉半兩

右一十一味剉如麻豆入研藥拌勻每服五錢匕水一盞半大棗二枚擘破同煎數沸去滓取一盞服不計時候

細辛湯治肝虛氣痺兩脇脹滿筋脉拘不得喘息四肢少力眼目不明

細辛去苗葉

防風去叉

白茯苓去黑皮

栝子仁研

桃仁湯及去皮尖雙仁麩炒微黃

山茱萸

甘草炙剉各三分

蔓荆實

木瓜去核

枳殼去穢炒各半兩

右一十二味剉如麻豆每服三錢匕水一盞大棗三枚擘破同煎數

沸去滓取七分溫服不計時候

防風湯治肝痺頭目昏塞四肢不利腎腸虛煩

防風去一兩芎藭

黃耆剉

五味子

人參

活去蘆頭

羚羊角碎屑

前胡去蘆頭各三分

細辛去苗葉

酸棗仁微炒

甘草炙各半兩

右一十二味鹿搗篩每服三錢匕水一盞大棗三枚擘破同煎取七分去滓溫服不計時候

牛膝湯治肝筋掣肢體不隨方

牛膝剉焙 防風去一

丹參

前胡去蘆頭各二兩

石斛去根二兩半

杜仲去麋皮塗酥炙剉

秦芫去苗土

續斷各一兩半陳橘皮湯洗去白焙一兩

大麻仁研一合

右一十味除大麻仁外麋搗篩每服五錢匕水一盞半煎五七沸別

水藥大典卷一萬事首七

十九

下麻仁少許煎至一盞去滓空服日二
茯神散治肝痺多驚悸神思不安方

茯神去木

酸棗仁微炒

黃耆剉

人參各一兩

乾地黃焙

遠志去心

五味子各半兩白茯苓去黑皮一兩

丹砂剉研半兩

右九味除丹砂外搗羅為散入丹砂末再研勻每服一錢匕以溫酒

調下不計時候

趙素風科集驗白飲散治肝痺腫痛筋脉展轉並宜服之

白飲半兩

附子一兩炮去皮臍

右為細末每服半錢溫酒調下不拘時候日二夜一服之以熱行為

度若不覺者加至一錢服

脾痺

論

素問四時刺逆從論太陰有餘病肉痺寒中不足病脾痺聖濟總錄論曰
風寒濕三氣雜至合而為痺又曰以至陰過此者為肌痺肌痺不已後感
於邪內舍於痺是為脾痺其狀四肢懈惰發熱嘔汗上為大塞經所謂諸

痺不已亦益內者如此

方

聖濟總錄治脾痺。肌肉消瘦。心腹脹滿。水穀不化。食即欲嘔。飲食無味。四肢怠惰。或時自利。黃耆丸。

黃耆

石斛

附子

肉苁蓉

桂

益智

白朮

人參

厚朴

五味子

當歸

訶梨勒

沉香

高良薑

枳實

白豆蔻

吳茱萸

丁香

白朮

三分

厚朴

枳實

右一十八味。為細末。煮棗肉和搗。五百杵。丸如梧桐子大。每服三十丸。食前溫酒下。

白朮湯治脾痺。心腹脹滿。不飲飲食。食則氣滯。體重四肢無力。

白朮

人參

葶藶

訶梨勒

草豆蔻

丁香

黃耆

附子

白茯苓

麥蘖

沉香

陳橘皮

永樂大典卷三萬三千八百七

二十

木香

枳實

右一十五味。剉如麻豆。每服三錢。匕水一盞。生薑五片。棗二枚。擘破煎至七分。去滓。溫服。不拘時。

黃耆酒。治脾痺。肉極虛寒。體重怠惰。四肢不欲舉動。關節疼痛。不嗜飲食。

黃耆

桂

巴戟

石斛

澤瀉

白茯苓

枳子仁

乾薑

蜀椒

天雄

獨活

人參

芍藥

附子

茵芋

烏頭

半夏

細辛

白朮

黃耆

桔槩

山茱萸

右二十三味。以酒咀。絹袋盛。以清酒三斗。漬之。秋冬七日。春夏三日。初

服三合。漸加。之以微麻。木為効。日再

大半夏湯治脾痺。四肢怠惰。發欬。

半夏

白朮

白朮

白茯苓

人參

甘草

附子

陳橘皮湯浸去白焙各二兩 桂去粗皮三兩

右八味剉如麻豆每服五錢匕水一盞半生薑五片煎至一盞去滓

溫服日三

麻黃湯治脾痺四肢解情肉極肌熱方

麻黃去根節 枳實去瓤炒 防風去叉 白朮

細辛去苗葉各三兩 石膏碎八兩 附子炮裂去皮臍

四兩 甘草炙 桂去粗皮各二兩

右九味剉如麻豆每服五錢匕水一盞半生薑五片煎至一盞去滓

溫服日三

治脾痺四肢解情皮膚不通外不得泄風引湯

獨活去蘆頭四兩 當歸切焙 白茯苓去黑皮各

三兩 乾薑炮 甘草炙 人參

黃耆 防風去叉各二兩 桂去粗皮

附子炮裂去皮臍各一兩 大豆二升熬去皮

右一十一味剉如麻豆每服五錢匕水一盞酒半盞煎一盞去滓溫

服日三夜一

法麴丸治脾痺發欬嘔汁溫中

法麴炒 吳茱萸湯洗焙炒 小麥蘖微炒各五合

甘草炙 枳實去瓤炒 桂去粗皮 厚朴去粗皮薑汁炙

當歸切焙 白茯苓去黑皮各三兩 細辛去苗葉

乾薑炮 麥門冬去心焙 人參 桔梗炒

附子炮裂去皮臍各一兩

右一十五味為細末煉蜜丸如梧桐子大每服七丸食前熱水下日三

肺痺

論

素問四時刺逆從論少陰有餘病皮痺隱疹不足病肺痺聖濟總錄論曰

風寒濕三氣雜至合而為痺以秋遇此者為皮痺皮痺不已復感於邪內

舍於肺是為肺痺其候背脊痛甚上氣煩滿喘痺嘔是也治肺痺

脉

素問五藏生成篇曰脉之至也喘而浮上虛下實驚有積氣在胃中喘而

虛名曰肺痺寒熱得之醉而使內也靈樞邪氣臟腑病形篇肺脉微大為

肺痺引胃背起惡日光

永樂大典

卷一三八七七

方

聖濟總錄橘皮丸上下否塞不能息

陳橘皮湯洗去白焙
厚朴去灰皮土薑汁炙

橘皮剉炒 乾薑炮裂
枳實去殼炒 細辛去苗葉各三分

胡椒
各二兩

蜀椒去閉口及目炒汗出
葶藶二兩半

烏頭炮裂去皮炙
桂去灰皮

附子炮裂去皮併
防葵

白茯苓去黑皮前胡去蘆頭
甘草炙

當歸切焙各二兩

白朮
熟半兩

吳茱萸湯洗焙乾炒各一兩半
檳榔剉一兩 葶藶湯洗炒一分

紫蘇子炒二兩
右二十五味搗羅為末煉蜜丸梧桐子大每服十九溫酒下日三覺

有熱者空腹服之

杏仁凡治肺痺痿感風冷胸膈滿急

杏仁湯浸去皮尖雙仁微炒
吳茱萸湯洗焙乾炒

赤茯苓去黑皮防葵各二兩
陳橘皮湯洗去白焙

永樂大典卷一三八七七

主

桂去灰皮
射干

防風去叉
芍藥

澤瀉各一兩 白朮
紫蘇子微炒 桔梗剉炒

枳實去殼麩炒微黃各一兩半
右一十四味搗羅為末煉蜜丸如梧桐子大每服十九食前溫酒下

漸加至三十九日再

當歸湯治肺痺上氣閉塞胸中脇下支滿乍作乍止不得飲食唇乾口燥
手足冷痛

當歸切焙

防風去叉

黃耆細剉各二兩

款胡去苗八兩 細辛去苗葉
人參各一兩

麻黃去根節葉一二兩
杏仁去皮尖雙仁炒黃五十枚
桂去灰皮三兩

半夏湯洗去滑心備五兩

黃芩去黑心一兩

右一十一味鹿搗篩每服四錢匕水一盞入生薑七片棗二枚擘破
同煎至六分去滓溫服不計時候日三夜二
五味子湯治肺痺上氣發欬

五味子三兩
紫苑去苗土

紫蘇子炒八兩 麻黃去根節
黃芩去黑心 甘草炙各二兩 人參
細辛去苗葉

當歸焙各一兩半夏湯洗去滑七條三兩杏仁一兩去皮尖
右一十一味麻搗篩每服四錢匕水一盞入生薑五片同煎至六分
去滓溫服不計時候上氣病亦單煮紫蘇子及生紫蘇葉久月煮乾
枝莖葉服

紫蘇子湯治肺痺胃心滿寒上氣不下

紫蘇子炒八兩半夏湯洗去滑七條五兩陳橘皮湯洗去白焙

桂去粗皮各三兩

甘草炙 人參

白朮各二兩

右七味鹿搗篩每服四錢匕水一盞入生薑五片棗二枚擘破同煎
至六分去滓溫服不計時候

腎痺

論

素問四時刺逆從論太陽有餘病骨痺身重不足病腎痺聖濟總錄論曰
內經謂風寒濕三氣雜至合而為痺又曰以冬過此者為骨痺骨痺不已
後感於邪內舍於腎是為腎痺其證善脹尻以代踵脊以代頭蓋腎者胃
之關關閉不利則胃氣不行所以善脹筋骨拘迫故其下掣急其上跳展

水藥大典卷萬事八頁七

二十三

所以言代踵代頭也治驗張果醫說齊王黃姬兒黃長卿家有酒石各石
薄于意諸客坐未上食意望見王后弟宋建告曰君有病性四五日君腰
骨痛不可悅仰又不得小便不亟治病即入濡腎及其未全五臟急治之
方今客腎濡此所謂腎痺也宋建曰然建故有腰脊痛性四五日天兩黃
氏諸情情者女婿也見建家京下方石京者舍康之房即弄之建亦欲效
之效之不能起即復置之暮腰脊動不得溺至今不愈建病得之好持重
所以知建病者臣意見其色太陽色乾腎部上及界腰以下者枯四分所
故以往四五日知其發也意即以柔湯使服十八日所以病愈

脉

素問五臟生成篇黑脉之至也上堅而大有積氣在小腹與陰名曰腎痺

方

聖濟總錄遠志丸治腎臟虛之久感寒濕因而成痺補損益氣

遠志去心

山芋

肉蓯蓉去粗皮酒浸切焙

牛膝去苗酒浸切焙各一兩

石斛去根

天雄炮裂去皮臍

巴戟天去心

人參

山茱萸

澤瀉

菟絲子酒浸一宿剉碎

茯神去木

覆盆子

續斷 生乾地黃 桂去厚皮 鹿茸酒洗去毛
甘草炙別 附子炮裂去皮臍 牡丹皮

白茯苓去黑皮 五味子 杜仲去厚皮炙別各一兩
蛇牀子 楮實微炒 黃耆各一兩

右二十六味搗羅為末煉蜜和搗數百下丸如梧桐子大每服空心
溫酒下二十九丸加至三十九

防風丸治腎臟虛冷邪氣乘虛身體冷痺不仁手足牽強舉動艱難或肌
肉痠動引腰脊及左右偏及不能飲食或因房室發動

防風去叉 白茯苓去黑皮 細辛去苗葉 白朮
附子炮裂去皮臍 桂去厚皮 澤瀉各半兩

甘草炙別 紫苑去苗 芍藥 牛膝去苗酒浸切焙
枯樓根各三分 山茱萸 熟乾地黃焙 半夏湯洗七偏去

右一十八味搗羅為末煉蜜為丸如梧桐子大每日空腹溫酒下十
九日再服未差更加丸數此藥宜久服

茵芋散治腎臟中風濕腰痛脚膝偏枯皮膚癢痺語聲寒濕兩耳虛鳴舉

體乏力面無顏色志意不樂骨節痠疼

茵芋去莖 杜仲去厚皮炙別 石南
石龍芮 羊躑躅微炒 麝香研 狗脊去毛

當歸別炒 乾蝦微炒 桑螵蛸微炒 葛蒲各半兩
赤箭 獨活去蘆頭 附子炮裂去皮臍 牛膝去苗酒浸切焙

天雄炮裂去皮臍 麻黃去根節葉掠去沫焙 芍藥各三分
木香 草薢別一兩

右二十一味搗羅為散每服二錢匕食前溫酒調下日再服

白附子丸治腎臟中風脚膝麻痺腰背強直疼痛言語不利面色萎黑肌
體羸瘦

白附子炮裂 乾蝦微炒 防風去叉 天麻
天雄炮裂去皮臍 黃耆別 草薢

獨活去蘆頭 丹參 當歸別炒 海桐皮別
肉蓯蓉去微皮酒一宿焙 補骨脂 仙靈脾各三分
白花蛇酒洗去皮骨炙 桂去厚皮 安息香

牛膝去苗酒浸切焙各一兩 椎黃研水飛過麝香研各半兩

石二十味搗羅為末煉蜜和搗三五百下丸如梧桐子大每服三十

丸空心溫酒下日再服

石龍芮湯治腎經虛氣虛外邪雜至脚膝緩弱腰脊不可轉側日加疼痛

石龍芮 獨活去蘆頭 防風去叉 茯神去木 丹參

杜仲去皮炙到 草薢 細辛去苗葉 牛膝酒浸切焙

羌活去蘆頭 五味子 天雄炮裂去皮臍 桂去蘆皮各一兩

當歸剉炒 人參各三分

麻黃去根節煎掠去沫焙 枳殼去瓤炒半兩

石一十七味剉如麻豆每服四錢匕水一盞入生薑五片同煎至六

分去滓溫服不計時候

麻黃湯治腎虛中風濕腰脚緩弱頑痺不仁顏色蒼黑語音渾濁志意不

定頭目昏腰背強痛四肢拘急體重無力 麻黃去根節煎掠去沫焙 薤活去蘆頭 桂去蘆皮 附子炮裂去皮臍 側子炮裂去皮臍各一兩

永樂大典卷之三萬三千八百七十七

二五

防已 當歸剉炒 海桐皮 牛膝酒浸切焙

甘菊花 羚羊角炒 茵芋去莖 五加皮各三分

甘草 炙剉半兩 防風去叉 白朮各三兩

石一十六味剉如麻豆每服四錢匕水一盞入生薑五片同煎至七

分去滓溫服不計時候

牛膝酒治腎氣虛冷便感寒濕為痺 秦艽去苗土 芎藭 防風去叉 白茯苓去黑皮各

桂去蘆皮 獨活去蘆頭 丹參 附子炮裂去皮臍

二兩 杜仲去皮炙到炒 乾薑炮 地骨皮各一兩半

石斛去根 麥門冬去心 大麻仁炒半兩

五加皮五兩 薏苡仁一兩

石一十七味剉切如麻豆以生絹袋盛酒一斗浸春夏三日秋冬五

日每服半盞空心溫服日再

永樂大典卷之一萬三千八百七十七